

## Rýmingaráætlun ef Almannavarnir gefa út viðvörðun um hættuástand.

Upplýsingar eru á: <https://www.facebook.com/almannavarnir/> og [www.almannavarnir.is](http://www.almannavarnir.is)

Ef ákvörðun um rýmingu verður tekin þá verða foreldrar að sækja börnin í skólann.

### Hlutverk skólastjórnenda:

Koma upplýsingum út í allar stofur skv. upplýsingum frá Almannavörnum.

Starfsmaður er settur við alla útganga skólans til að varna því að nemendur hlaupi út. (Ásabraut – Þrumuinngangur, norðurdyr, suðurdyr, aðalinngangur, inngangur hjá húsverði, salurinn, eldhús, myndmennt, smíði) (Hópsskóli – aðalinngangur í norður og suður, Skólasel, kaffistofa, austurendi, eldhús, tæknirými, tónmennt, dyr á hverri kennslustofu).

Stjórnendur eru í samskiptum við lögreglu og Almannavarnir.

Skólastjórnendur fylgjast með rýmingarferlinu og aðstoða eftir föngum bæði foreldra og starfsfólk.

Skólastjórnendur taka við nemendum þegar þeir verða komnir í safnstofur og aðrir starfsmenn geta farið heim.

Skólastjóri/deildastjóri yngsta stigs fer síðastur úr húsi og gengur úr skugga um að allir séu farnir út, gluggar og hurðir lokaðar, útidyr læstar. Að lokum eru upplýsingar veittar til lögreglu og Almannavarna um rýmingu skólahúsnæðis.

### Hlutverk starfsfólks:

Stjórnendur upplýsa kennara/starfsfólk um hvað er í gangi sbr. upplýsingar frá Almannavörnum.

Starfsmaður er settur við alla útganga skólans til að varna því að nemendur hlaupi út. (Ásabraut – Þrumuinngangur, norðurdyr, suðurdyr, aðalinngangur, inngangur hjá húsverði, salurinn, eldhús, myndmennt, smíði) (Hópsskóli – aðalinngangur í norður og suður, Skólasel, kaffistofa, austurendi, eldhús, tæknirými, tónmennt, dyr á hverri kennslustofu).

Kennari þarf að taka manntal m.v. nafnalista sem hangir í stofunni. Íþróttakennarar, list- og verkgreinakennarar í valgreinum eru líka með nafnalista.

Kennarar senda til foreldra í hvaða hópum nemendur eru í sundi og íþróttum þannig að foreldrar viti hvar barnið er staðsett.

Kennari býður með nemendum inni í stofu þar til foreldri eða staðgengill sækir nemanda. Nemendur fá ekki að fara út úr húsi einir.

Kennari merkir við á nafnalista þegar búið er að sækja nemanda. Nemendur eru ekki látnir í hendur annarra en eru á aðstandendalista í Mentor eða staðgengla foreldra sem þeir hafa gefið upp fyrirfram til umsjónarkennara.

Gæta þarf þess að enginn nemandi fari út úr kennslustofu. Ef nemandi þarf að fara á salerni þá fær hann fylgd.

Þegar kennari yfirgefur stofuna síðastur þarf að loka gluggum og loka hurðum (ekki læsa).

Þegar búið er sækja flesta nemendur verður þeim sem eftir verða safnað í eina stofu undir stjórn stjórnanda. Kennari afhendir nafna- og aðstandendalista. Yngsta stig safnast í Vigdísarstofu (1.stofa t.h. frá bílastæði). Mið- og elsta stig safnast í stofu 114 (miðgangur n.h.). Nemendur í íþróttahúsi og sundi safnast saman í íþróttasal. Þegar búið er að skila þeim sem eftir verða í safnstofuna þá getur viðkomandi kennari/starfsmaður farið heim. Skólastjórnandi, forstöðumaður Skólasels eða húsvörður sjá um vaktina í safnstofunni.

Ef nemandi er í íþróttum eða sundi þá þarf íþróttakennari að halda nemendum inni í íþróttahúsinu þar til þeir eru sóttir í íþróttahúsið. Íþróttakennarar verða að halda skrá yfir nemendur og hver sækir þá. Aðrir kennarar s.s. sérkennarar, list- og verkgreinakennarar, raungreinakennari og þeir sem kenna ekki í heimastofum nemenda þurfa að koma nemendum í sínar heimastofur. Nemendur sem staddir eru í tónlistarskóla, bókasafni og Þrumu verður farið með í heimastofur. Nemendur í útistofum og Verinu verða sóttir þangað af foreldrum.

Ef nemendur eru í Skólaseli þá verður þeim safnað í saman í Skólaselsstofunni og Selatöngum (verkm.stofa) og sóttir þangað af foreldrum. Deildastjóri yngsta stigs sér um lokafrágang.

Annað starfsfólk hjálpar til á þeim stað sem það er að vinna á, ef til rýmingar kemur.

### **Foreldrar:**

Foreldrar/staðgenglar þurfa að sækja börnin í sínar heimastofur. Ef nemendur eru staddir í íþróttahúsinu þá þarf að sækja þá þangað.

Ekkert barn verður sent út án fylgdar foreldris/staðgengils.

Starfsmaður verður í skólanum þar til búið er að sækja alla nemendur eða koma þeim í öruggt skjól í samvinnu við lögreglu eða björgunarsveit.

Foreldrar verða að gera ráð fyrir miklu umferðarálagi í Grindavík og þá sérstaklega við skólann komi til rýmingar á skólatíma. Benda má foreldrum á að jafnvel verður fljótlega að koma fótgangandi.

Lögreglan mun leitast við að vera með umferðarstýringu við skóla og leikskóla komi til rýmingar

**Rýmingráætlunin hefur verið yfirfarin af lögreglu, samþykkt af starfsmönnum Grunnskólans 6.feb.2020 og kynnt í fræðsluráði 6.feb. 2020.**